



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-177-3/26**

Datum: **01.06.2026. godine**

«Agencija za vodno područje rijeke Save» Sarajevo rješavajući po zahtjevu pravnog lica „BRAĆA MUJIĆ EXPORT-IMPORT” d.o.o. Sarajevo za donošenje rješenja o vodnoj dozvoli za ispuštanje tehnoloških otpadnih voda i oborinskih onečišćenih voda u prirodni recipijent sa lokacije objekta benzinske stanice i samouslužne autopraonice „BRAĆA MUJIĆ” P.J. BR. 14, Hadžići, izgrađene u ulici Hadželi bb, općina Hadžići, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, „BRAĆA MUJIĆ EXPORT-IMPORT” d.o.o. Sarajevo, daje se vodna dozvola za ispuštanje tehnoloških otpadnih voda i oborinskih onečišćenih voda u prirodni recipijent sa lokacije objekta benzinske stanice i samouslužne autopraonice „BRAĆA MUJIĆ” P.J. BR. 14, Hadžići, na zemljištu označenom kao k.č. broj: 1461 K.O. Hadžići, općina Hadžići.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Skladištenje nafte i naftnih derivata vršiti u dvoplašnim čeličnim podzemnim rezervoarima ukupne zapremine $V=80 \text{ m}^3$ sa pripadajućom armaturom za rukovanje, praćenje i sigurnost rada.
 - 2.3. Korisnik objekta je obavezan redovno vršiti kontrolu međuplašnog prostora rezervoara, njihovo čišćenje kao i kontrolu rada.
 - 2.4. Da korisnik predmetnog objekta, za vrijeme trajanja ove dozvole, obezbjeđuje da se oborinske onečišćene vode sa platoa oko istakališta, saobraćajnih i manipulativnih površina nesmetano sakupljaju i odvođe do objekta predviđenog za tretman onečišćenih voda (betonski trokomorni separator nafte i naftnih derivata), a zatim kanalizacionom mrežom odvođe do ispusta izvedenog u rijeku Zujevinu.
 - 2.5. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 2.6. Prečišćene oborinske onečišćene vode moraju ostati u maksimalno dopuštenim granicama definiranim članom 14. i 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 2.7. Objekte čija je svrha odvođenje i prečišćavanje oborinskih onečišćenih voda treba redovno održavati i koristiti na način koji će obezbijediti njihovu potpunu ispravnost i funkcionalnost. Čišćenje i pražnjenje uređaja za tretman otpadnih voda, odnosno separatora nafte i naftnih derivata može vršiti isključivo firma ovlaštena za tu vrstu djelatnosti, prema posebnom ugovoru.
Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
 - 2.8. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja

- vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 2.9. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 2.10. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njihove obale.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 13. i 22. tabele te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
4. U periodu važenja ove dozvole, korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne takse.
10. Ova vodna dozvola, shodno članu 117. stav (1) i 129. Zakona o vodama se daje s rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „BRAĆA MUJIĆ EXPORT-IMPORT“ d.o.o. Sarajevo, dana 27.04.2026. godine, podnijelo je zahtjev za izdavanje vodne dozvole za ispuštanje tehnoloških otpadnih voda i oborinskih onečišćenih voda u prirodni recipijent sa lokacije objekta benzinske stanice i samouslužne autopraonice „BRAĆA MUJIĆ“ P.J. BR. 14, Hadžići, na zemljištu označenom kao k.č. broj: 1461 K.O. Hadžići, općina Hadžići.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka u sudski registar broj: 065-0-Reg-23-004699 od 04.12.2023. godine izdato od strane Općinskog suda u Sarajevu;
- Ovjerena kopija Uvjerenja o poreskoj registraciji izdato 27.11.2002. godine, od strane porezne uprave FBiH, Kantonalni porezni ured Sarajevo;
- Ovjerena kopija Uvjerenja o registraciji poreznog obveznika izdato 07.11.2023. godine od strane porezne uprave FBiH, Kantonalni porezni ured Sarajevo;

- Dokaz o uplaćenju upravnoj taksi (uplatnica);
- Kopija rješenja o vodnoj dozvoli broj: UP-I/25-3-40-089-4/21, izdata od «Agencije za vodno područje rijeke Save» Sarajevo;
- Kopija rješenja o vodnoj dozvoli broj: UP-I/25-3-40-445-9/15, izdata od «Agencije za vodno područje rijeke Save» Sarajevo;
- Kopija Rješenja o vodnoj dozvoli broj: 07-06-21-5793/21 od 13.04.2023. godine, izdato od strane Ministarstva privrede Kantona Sarajevo;
- Kopija Rješenja o vodnoj dozvoli broj: 07-06-25-9962/15 od 06.04.2016. godine, izdato od strane Ministarstva privrede Kantona Sarajevo;
- Ovjerena kopija Rješenja o urbanističkoj saglasnosti broj: 07-23-2-2124/2011 od 09.06.2011. godine izdato od strane Službe za prostorno uređenje, urbanizam i građenje, Općina Hadžići;
- Ovjerena kopija Rješenja o sanitarnoj saglasnosti broj: 14-10/05-37-9695/2011 od 08.08.2011. godine, izdato od strane Inspektorata za sanitarne, zdravstvene i farmaceutske poslove, Kantonalna uprava za inspeksijske poslove;
- Ovjerena kopija Urbanističko tehničkih uslova broj: 07-23-2-2124/2011. godine, izdatih od strane Službe za prostorno uređenje, urbanizam i građenje, Općina Hadžići;
- Ovjerena kopija Rješenja o odobrenju za izgradnju broj: 07-23-3-3160/2011, od 06.09.2011. godine, izdatog od strane Službe za prostorno uređenje, urbanizam i građenje, Općina Hadžići;
- Ovjerena kopija Rješenja o upotrebnoj dozvoli broj: 07-23-4-2204/2016, od 24.03.2017. godine, izdato od strane Službe za prostorno uređenje, urbanizam i građenje;
- Ovjerena kopija Načelne saglasnosti broj: 1324/16, od 10.03.2016. godine, izdata od strane JKP „Komunalac“ d.o.o. Hadžići;
- Kopija izvještaja o rezultatima ispitivanja kvantitativnih karakteristika efluenta sa programom praćenja stanja voda (monitoring) broj: 01-2-113-IV/26 od 27.04.2026. godine, urađen od strane „ZAGREBINSPEKT“ d.o.o. Mostar;
- Transportna dokumentacija za otpad od 07.04.2025. godine, od strane AIDA – COMMERCE d.o.o.
- Projekat izvedenog stanja vanjskih hidroinstalacija za benzinsku stanicu sa pratećim sadržajima, urađen od strane „SENDO“ d.o.o. Sarajevo, mart 2016. godine (uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-177-2/26 od 25.05.2026. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Objekat benzinske stanice sa samouslužnom autopraonicom izgrađen je u ulici Hadželi bb u općini Hadžići.
- U sklopu benzinske stanice nalaze se sljedeći sadržaji: administrativne prostorije sa sanitarnim čvorom, prodajni prostor, nadstrešnica za agregate za istakanje goriva, samouslužna autopraonica (tri boksa), dvoplašni čelični rezervoari za skladištenje goriva, trokomorni betonski separator ulja i naftnih derivata, manipulativne površine.
- Skladištenje nafte i naftnih derivata se vrši u podzemnim dvoplašnim rezervoarima ukupne zapremine $V=80 \text{ m}^3$.
- Prikupljanje oborinskih onečišćenih voda sa lokacije benzinske stanice i tehnoloških otpadnih voda sa lokacije samouslužne autopraonice (tri boksa), vrši se sistemom izgrađenih slivnika sa slivnom rešetkom i odvodi na tretman u trokomorni betonski separator ulja i naftnih derivata. Prečišćena voda se ispušta u kanalizacioni kolektor, čiji ispušt je izveden u rijeku Zujevinu.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima, načinu izdavanja i čuvanja vodnih akata i odredbama člana 3. tačke s) i cc) Uredbe o uslovima ispuštanja otpadnih voda u okoliš i sisteme javne kanalizacije, konstatuje se da je podnosilac zahtjeva „BRAĆA MUJIĆ EXPORT-IMPORT" d.o.o. Sarajevo ispunio minimum uslova za izdavanje vodne dozvole za ispuštanje otpadnih voda u prirodni recipijent, te je riješeno kao u dispozitivu ovog rješenja.


Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta: Senida Džajić-Rghei, dipl. inž. građ.

Po ovlaštenju:
Rukovodilac sektora za izdavanje vodnih akata

Senida Džajić-Rghei, dipl. inž. građ.



Dostaviti:

- „BRAĆA MUJIĆ EXPORT-IMPORT " d.o.o. Sarajevo, Džemala Bijedića 212, Sarajevo
- ⊖ AVP Sava, ISV-vodna knjiga
- Sektor 50
- Sektor 40 – arhiva
- oglasna ploča – AVP Sava